



**МЕСЯЦА ОКТЯБРЯ В 22-й ДЕНЬ**

**Празднование Пресвятёй Богородице  
ради Казанския иконы Ея**

**НА МАЛОЙ ВЕЧЕРНИ**

**На Господи, возвах: стихиры на 4, глас 1.**

**Подобен: Небесных чинов:**

**Небесныя Силы радуются, / преславно служаще чюдныя иконы Богоматере, / и к веселию земныя духом призывают, / спасение мiрови сию показуют // и всей стране Российстей твердое ограждение и заступление.**

**Твоего, Владычице, явления непостижимаго, / трéпетни бывше людие, / вкупе же и радостни, / яко чудесём сокровище, пречистый Твой образ явiся, / благодатию просвещающ всяческая / и от бед избавляющ присно.**

**С преславными чинми Ангельскими днесь, / вернии, духóвне веселимся, / свётло празднующе пресветлое торжество Богоматере, / Юже пречистый Ея образ, яко источник приснотекущий, явися, / исцелений незавiстных дары присно источающ.**

**Слава, и ныне, глас 3:**

**Страшно чудо явления Твоего, Владычице, / и несказанно удивляет Премiрная и ужасает земная, / вкупе же и просвещает светонóсною благодатию пречистаго Твоего образа / и рождагося от Тебе Христа Бога нашего. / Того**

моли, Чистая, в Божественном торжестве Твоём /  
подати нам просвещение и велию милость.

На стиховне стихиры, глас 2.

Подобен: Доме Евфрафов:

**О** Всенепорочная Дево, / что Ти благодарение  
принесём, / яко светозáрным явлением пречистыя  
Твоя иконы и Превечнаго Младенца / всех от  
неведения к свету Богоразúмия возвелá еси.

**Стих:** Помяну имя Твое / во всяком роде и роде.

**О** Пресвятая Госпоже Владычице, / не забуди  
нас, Твоих раб, / верно поклоняющихся чудо-  
творной Твоей иконе / и благочестно воспева-  
ющих Тя, / избáви, Госпоже, от всяких бед и  
напастей.

**Стих:** Лицу Твоему помóлятся / богатии  
лю́дстии.

**О** Всепетая Мати, / умилосёрдися на моление  
наше, / Твое бо есмы достояние, / всех спаси и  
помилуй, / да Тя вси рóди непрестанно величаем.

Слава, и ныне, глас и подобен тойже:

**Т**ихое пристанище / обитель Твоя,  
Богоневесто, / явися всем притекающим, / имúще  
в себе пречестную Твою икону, / всем неоскудно  
благодать подающи.

Тропарь, глас 4: Заступнице усердная: (зри на велицей  
вечерни).

#### НА ВЕЛИЦЕЙ ВЕЧЕРНИ

Блажен муж: На Господи, воззвах:

стихиры на 8, глас 4.

Подобен: Яко дóбля:

**Я**ко прекрасная Сло́ва палата / и Престол  
Светоносíвый, Богородице Владычице, / Сопре-  
сто́льное Слово Отчее во Твоих ложесна́х вме-  
сти́ла еси / и, рождши Свет незаходимый, наше  
омрачение просветила еси, / леть зми́ну отгна́-  
ла еси и тление потребила еси, / жизнь вечную  
миру дарова́ла еси Твоим Рождеством, / врата  
ра́я отвёрзла еси / и вся благая человеческому  
естеству дарова́ла еси. / Но и ныне, Госпоже,  
Твоими молитвами / избавляй рабы Твоя от всех  
бед.

**Я**ко вели́ка сущи Царица и Мати / на Небеси  
Превысоких Сил Царя, / пречистыя Твоя рúки

простёрши, / молебно за ны предстоиши / и на земли яко державная Помощница / Божественною Твоею иконою / и духом с Твоими рабы пребываеши, / и весело спасаеши, и избавляеши от всякия напасти / благочестно Богородицу Тя исповéдающия.

**Я**ко златозáрный рай / и место прекрасное и Богопросвещéнное, / и древо святое, Духом Святым осенéнное, / вместилище Света невечерняго, / Тебе véдущим, / ясно немерца́ющися Божественною лучéю, / Младенцем Твоим, свéтиши всей твари, / Егоже молящи, Царице Богородице, / спаси град Твой и люди, / к Тебе прибега́ющия, от всех бед.

**Я**ко порфи́рою царскою и ви́ссом, / иконою Твоею и Твоего Сына, Богородице, / Церковь Божия просвети́вшися, красу́ется чудесы. / Днесь явлением вся созывает праздновати, / паче сияния солнечнаго благодатию Святаго Духа блиста́ющися, / на болящих и недужных исцеления источники источа́ющи / и всем да́рующи богатую милость.

**Ины стихиры, глас 8:**

**В**ысокий Царю Непостижимый, / со Отцем седя́й на Престоле и Божественным Духом, / благоволивый родитися на земли / от Девы Неискусобра́чныя, Иисусе, / ущедря́я Твое создание, человеческое естество, неизреченными добрótами, / прими Твоея Матере приносимыя Тебе за ны молитвы / и не помяни́ беззаконий наших, / но помилуй и спаси души наша, яко Милосерд.

**П**реклонив Небеса, Царь Славы сниде / обновити Адама, преступлением всего истлévшаго, / вселися в Тя, Чистая Дево, / и роди́ся, ключей девства не рушив, / и на руках Твоих смирен Младенец, / Иже Архангелов Царь ношáшеся; / и ныне Твою молитву приéмлет / и прошение Твое во всем исполняет, Богородице, / яко Твой Сын и Бог, / Емуже усердно моли́ся: / да спасет дýши наша, яко Милосерд.

**П**аче ски́нии Моисéевы, / по образу Небесному сотворéнныя, / всю Тя Бог освятí, Богородице,

Духом Святым, / весь вселіся в Тя, всего человека оживі. / Тем и Твоя икона, паче Аароня кивота, / напóлнися благодати Божия и / источает освящение душам и телесем. / Ейже любезно покланяющесе, / просим от Тебе великия милости: / да спасеши души наша, Благословенная Помощнице.

*Слава, и ныне, глас 8:*

**Приидіте, возрадуемся державней Заступнице рода нашего, / Царице Богородице, / приидіте к тихому Ея чóдному, / почитáемому Ангелы, / честнóму поклонімся образу. / Дáрует бо Богородица верным обильныя дáры целéбныя, / от неистощимаго источника святых иконы неоскудную благодать источáющи: / тьмы избавляет нас искушений и бед, и всякаго греха, / благочестно и Богоприятно прославляющих и чтущих / светлую и чóдную Богоматере святую икону. / Тем, воспевающе, воззовем Первообразней: // радуйся, любезная миру пóмощеѣ во спасение душ наших.**

*Вход. Прокимен дне,*

*И чтения 3 (зри страницы 6—7)*

*На литии стихиры, глас 2, самогласны:*

**Яко воистину древняго кивота пречестнее, / егда Давид, собрав чины, ликовствоваше, / ныне Твоя, Богородице, икона, / ейже предстоят архиереев собори, / и с чинми Ангел священницы и все христоименитых людей множество / достойно блажат Тя, Матерь Божию, / и прославляют раболепно, и чествуют, / и покланяются, и молятся Тебе по Бóзе: / да мир умириши в Православии, и Церковь утвердиши, / и спасеши от всех зол Твоя рабы, / яко едина Благословенная.**

**Предстоят Ти, Госпоже Богородице, / пред Твоим, Пречистая, образом / архиереев сословие и священницы / и вси людие, монаси и прости, / ведуще Тя воистинну Помощницу сильну и непобедиму, / моления Тебе приносити от всея души подвижат / и поущают на молитву к Богу, требующе Твоя помощи, / да простреси Богоносныя Твоя руки и умóлиши за мир. / Вонми и услыши, Владычице, / и подаждь утешение рабом Твоим, / дóндеже не одолéют ны грехи наши**

тяжкия и лю́тыя:/ Твоея́ бо всегда́ требуем вси помощи.

Глас 8:

Пёрвее написавшейся Твоей иконе/ Евангельских та́ин благовестником/ и к Тебе, Царице, принесённой,/ да усво́иши ту и си́льну содела́еши спасти́ чествующия́ Тя,/ порадовалася еси, и яко́ су́щи милостива спасения́ нашего́ Содётельница,/ яко́ уста́ и глас иконе бывши,/ якоже и Бога внегда́ зачинаючи во чреве,/ песнь воспела еси:/ Се отныне ублажа́т Мя вси ро́ди!/ И, на ту зрящи, глаго́лала еси со властью:/ С сим образом благодать Моя́ и сила./ И мы истинно веруем,/ яко́ се рекла́ еси, Госпоже,/ сим образом с нами еси./ Тем благоговейно предстояще,/ поклоняе́мся Тебе раби́ Твои,/ посети́ ны Твоими ма́терними щедротами.

Глас 7:

Гора еси великая́ и преславная/ паче горы́ Сина́йския, Богородице;/ она́ бо не терпя́щи снѣтїя Славы́ Божия́/ во о́бразех и се́нех, огнём возгара́шеся,/ и гро́ми и молнии тамо́ быша./ Ты же весь Божественный́ Огнь су́щ/ Божие Слово́ во чреве Твоем неопально́ носила еси/ и от сосѣц Твоих млеко́м питала еси/ ма́нием Нося́щаго вся./ И ныне ма́тернее дерзновение́ к Нему́ иму́щи,/ помози́, Владычице,/ верно́ празднующим Твой честный́ праздник/ и не забуди́, ми́лостивно посеща́ющи:/ прия́ла бо еси от Бога́ дар/ стро́ити и покрывати́ христоимені́тое стадо, рабы́ Твоя́.

Слава, и ныне, глас 6:

Тебе́ вси ро́ди челове́честїи/ хва́льные да́ры прино́сят, Владычице,/ и мо́лятся яко́ Царице́ и Матери́ Божїи./ Проро́цы Тя премудро́ проповѣ́даша,/ ле́вити благослови́ша, апосто́ли и мучени́цы исповѣ́даша,/ священни́цы покланя́ются, архиере́е проповѣ́дают,/ мона́си и прости́и благоговѣ́ют,/ богати́и и убо́зи, сироты́ и вдовы́,/ и вся́к возраст, и вся́ко преспе́яние,/ старческо́е и младенческо́е,/ под кров Твой дер́жавный с веро́ю прибега́ем:/ покрый́ и соблюди́,

Госпоже, молитвами Твоими // и спаси от бед души наша.

На стиховне стихиры, глас 2:

**В**местилище чистое Света пречистаго, Богородице, / како Тя, раби, достойно воспеваем, / яко явлением пречистыя Твоея иконы / и Превечнаго Младенца вся освещаети.

**Стих:** Помяну имя Твое/во всяком роде и роде.

**О** Дево Нескверная, Богорадованная, / что Ти когда таково благодарение принесем, / яко блаженнаго Твоего Рождества всесияющею лучею / всех от тления к жизни возвела еси.

**Стих:** Слыши, Дщи, и виждь, / и приклони ухо Твое.

**О** Дево Госпоже, Мати Зиждителява, / Небесных еси чин<sup>ов</sup> радование / и человеческому роду благословенная Помощнице, / моли о спасении душ наших.

Слава, и ныне, глас 5:

**В**оспоём, людие, светло Давидскую песнь / Отроковице, Невесте Божии и Матери Царя Христа: / предста Царица одесную Тебе, Владыко, рясны златыми одеяна / и преукрашена Божественными благолепотами. / Сию убо яко избранную и добрую в женах, паче всего мира удобрив, благоволил еси родитися из Нея великия ради милости, / и Сию Помощницу людем Твоим даровал еси / спасати и покрывати от бед / всемогущею Твоею и Божественною силою, / Еяже молитвами, Христе Боже, помилуй нас.

Тропарь, глас 4:

**З**аступнице усердная, / Мати Господа Вышняго, / за всех молиши Сына Твоего Христа Бога нашего / и всем твориши спастися, / в державный Твой покров прибегающим. / Всех нас заступи, о Госпоже Царице и Владычице, / иже в напастех и скорбех, и в болезнях, обремененных грехи многими, / предстоящих и молящихся Тебе / умиленною душею и сокрушенным сердцем, / пред пречистым Твоим образом со слезами, / и невозвратно надежду имущих на Тя / избавления всех зол. / Всем полезная даруй / и вся спаси,

Богородице Дево:// Ты бо еси Божественный покров рабѣм Твоим.

**НА УТРЕНИ**

На Бог Господь: тропарь трижды.

По 1-м стихословии седален, глас 3:

**Л**юдие благочестивии, правовернии собори христоименитии,/ приступите верно вси,/ Божественному припадающе Божия Матере образу:/ Тая бо исцеление болящим радостно подаёт,/ уязвляет же злославныя, яко стрелá от лука,/ нас всех веселит световидно/ и благодатию озаряет молитвами Своими.

Слава, и ныне:

**В**сю Тя Бог освятí, Деву Дóбрую и Непорочную в женáх,/ пророки прообразив чéстно, иереи благословив, во святая святых вселí,/ Ангелом воспитá, с Небесé пищу хлеб подай./ Сам же Преплагий, Единородное Бог Слово,/ вселíся в Тя и плотию прѣйде из Тебе./ Темже Ти поклоняемся и чтим,/ яко воистинну истинную сущую Богородицу.

По 2-м стихословии седален, глас 4:

**Д**а ликовствуёт свѣтло верных все множество,/ рыдает же демонское воинство,/ видяще многоименныя сияющия праздники Божия Матере,/ ублажаемъ Божию Матерь Божественными пѣсньми,/ идеже бо Богоприятно славится/ Преплагословенная Богородица Владычица, Богоизбранная Отроковица,/ неприязни падение,/ христианом же крепкое утверждение.

Слава, и ныне:

**О** Всеблагословенная Богородице Владычице,/ Богоизбранная Отроковице,/ свѣтлое прорѣческое сбытíе,/ апостольская похвалó, и мученическое исповѣдание и вѣнче,/ Ангелы чтíмая и человеческими рѣды многопѣтая,/ и всего мира вожделенная Помощница,/ избави рабы Твоя осуждения будущаго и эзера огненнаго,/ едина Благословенная.

Величание:

**В**еличаем Тя, Пресвятая Дево,/ и чтим образ Тво́й святы́й,/ от него же истекает благодатная помощь // всем, с верою притекающим к нему.

По полиелеи седален, глас 1:

**П**равовѣрно чтущия Тя людие, к Тебе прибегающия/ и иконе Твоей святѣй любезно покланяющияся,/ о Божия Мати, спаси и не даждь в расхищѣние сопостѣтом,/ ниже найдут на ны вся злая,/ яже грехи наша уготѣваша нам,/ ниже беззакония наша превзыдут на главы наша,/ но да Твоя матерняя к Богу преодолее/ за ны Богоприятная молитва.

Слава, и ныне:

**П**речистая Твоя икона, Богородице Дево,/ врачевствѣ всему миру духовное,/ к нейже прибегающе, Тебе поклоняемся и почитаем, и лобызаем, и чтим,/ исцелений благодать почерпающе от нея,/ и недуг телесных и душевных страстѣй Твоими молитвами свобождаемся.

Таже степенна, 1-й антифон 4-го гласа. Прокимен: Помяну имя Твое во всяком роде и роде. Стих: Слыши, Дщи, и виждь, и приклони ухо Твое. Всякое дыхание: Евангелие от Луки, зачало 4. По 50-м псалме стихира, глас 8: Приидите, возрадуемся (писана на Господи, воззвах:).

Канон Одигитрии Пресвятыя Богородицы со ирмосом на 6, творение иеромонаха Игнатия, глас 4.

Песнь 1

**Ирмос:** Отвѣрзу уста моя/ и наполнятся Духа,/ и слово отрѣгну Царице Матери,/ и явлюся, свѣтло торжествуюя,/ и воспою, радуяся, Той чудеса.

**Р**адостно, Чистая, ныне наставшее хвалѣние приношаю, радуяся,/ и тихим гласом, Одигитрие, вопию Ти:/ радуйся и исполни мя разума, пѣти начинающа.

**Х**риста родившая, радость нам вечную,/ о радуйся, Всепетая, православных надеждо,/ Одигитрие, всепетая Девѣце:/ радости исполни мя, мѣрови желанныя.

**Л**икуют вси человецы и Ангелы,/ всегда согласно вопиюще на Небесѣх и на землѣх, Одигитрие, радуйся, Девѣце,/ радости бо Рождеством Твоим всяческая исполнила еси.

**Р**адость, Одигитрие,/ со страхом Ти вопиющих радости сподоби,/ Мати сущия радости, избавляющия скорбѣх всяческих,/ и всех помилуй, к Тебе прибегающих.



Ин канон праздника на 8, глас тойже.

Песнь 1. Ирмос тойже

**Благоговéют** Ти, Богородице, Ангелов начальницы, и святых чíни чéстно слúжат, / праведнии красúются, Небесных Ходáтаицу блажáт Тя. / Кúпно же и земля и Небо в веселии свéтло восхваля́ют Тя, / и мы, грешнии, милости просим: / озарí наша сердца, Владычице, воспéти песнь святыя Твояя иконы явлению.

**Приидíte**, соберíтся, христоименíтии лю́дие, умы́ тайно очíстившеся, во святую церковь Матере Христа Бога нашего: / источает бо нам неоскúдно от святыя иконы источник духóвен, / целéбен душáм и тéлом, песнь вопиющим: / благословен из Тебе рождейся Бог наш.

**Дивíт**, Пренепорочная, и ужасáет всяк слух странно чудо Божественнаго Твоего Рождества: / како Херувíмскаго Творца зачала еси; / како Огнь нестерпíмый во утрóбе носíла еси; / како Сúщую Жизнь плотию облекла еси и Живóт всему миру родила еси, / Бога кúпно и человека.

**Под кров Твой**, Дево Госпоже, прибега́ем вси рóди человечести: / просвети ны светом Рождества Твоего, грешныя рабы Твоя, / моля́щиеся прилежно и клáняющияся пречистей Твоей иконе, / прося́ще от Тебе прíяти великия милости.

**Катавасия:** Отверзу уста моя:

Песнь 3

**Ирмос:** Твоя песнослóвцы, Богородице, / живы́й и незавíстный истóчнице, / лик себе совокúпльшия, духóвно утвердí, / в Божественней Твоей славе / венцéв славы сподóби.

**Христа**, Вышняго Царя, о радуйся, непоколебимая, чистая и одушевлéнная палáто, / радуйся, Одигитрие, радуйся: / Тобою бо нерушíм наш град сохраняется.

**Вместíти** Егоже не возмо́же тварь, / во утрóбу неискусобра́чную, Одигитрие Девице, телесно вместíла еси: / темже Ти, радуйся, поём, по дóлгу велича́юще.

**Радость** многопетая мірови, / радостно Ти поюще присно, вѣчнующая, Чистая, радости сподобляемся / Твоими матерними молитвами к Рóждшемуся из Тебе, Одигитрие.

**Златую** Тя стáмну, и свѣщник, и жезл, и трапѣзу, Чистая, призываем, Одигитрие, / и глас, еже радуйся, Тебе присно привношаем / с сімиже имены.

**Ин. Ирмос тойже**

**Кую** Ти достойную похвалу наше принесет конѣчно неможѣние, / яко явлѣнием пречистыя Твоея Божественныя иконы незавѣстныя источники целѣбныя источаеши / верно прибегающим к Тебе рабом Твоим.

**Божественныя** Твоея иконы святое явление, Богородице Дево, / яко светозáрное возсия нам солнце, преславных чудес лучи пуцаючи, / тмы лóтых обстояній отгоняючи / священными Твоими, Владычице, предстательствы.

**Исполнила** еси благодати иногда первописанную Твою икону, Госпоже Дево Богородице, / и ныне та же благодать истинствует сиянием веры чудес, яко тоя ради первописанныя, / ко спасению верно к Тебе по Бóзе прибегающим.

**Поклоняемся**, Богородице, Твоему пречистому образу и пресладкому Твоему Младенцу, / превечному и незаходимому Свету, Христу, / Имже спасла еси от лóтых зол и тлѣния смертнаго все человеческое естество.

**Седален, глас 8.**

**Подобен: Премудрости:**

**Божественнии** Сло́ва апостоли, / Евангелия Христова велегласнии вселѣнныя благовѣстницы, / Божественную церковь создавшие в пресвятое Твое имя, Богородице, / и к Тебе, Госпоже, приходят, моляще Тя приити на тоя освящение. / Ты же, о Богомати, рекла еси: / идите с миром и аз с вами тамо есмь. / Они же, шѣдше, обрѣтают тамо на стенѣ церкви Твоего, Владычице, образа подобие, / Божественною писано силою шарóвными подобии, / и, видевше, поклонишася Ти и прославиша Бога. / С нимиже и мы Божественней Твоей поклоняемся иконе, /

просяще от Тебе великия милости:/ дáруй согрешений оставлѣние рабом Твоим, Едина Благословенная.

Слава, и ныне, тойже седален.

Песнь 4

**Ирмос:** Седя́й в славе на Престоле Божества во облаце лѣгце,/ при́иде Иисус Пребожественный/ нетлѣнною длáнию/ и спасѣ зовúщия:/ слава, Христе, силе Твоей.

**Радуйся,** чудо чудес, Одигитрие Владычице./ Радуйся, всех радости градóв и вѣсей,/ непобедимое христианское в бедáх хранилище,/ и предградие, и на враги побеждѣние.

**Радуйся,** радуйся людей православных похвалó и христолюбивых пастырей, покров пребываеши всех, Царице./ Радуйся, Одигитрие, прибежище всем нам и утверждение.

**Радуйся,** всем скорое в бедáх избавлѣние./ Радуйся, готовое всем скорбящим утешѣние./ Радуйся, Всепетая, радуйся, Одигитрие Всеблагословенная,/ всем немощным Исцелительнице.

**Радуйся,** Еяже величия вся тварь/ славити úбо спешит по достоянию, но не возмога́ет, Одигитрие,/ и сего ради зовѣт Ти:/ радуйся, Владычице, Боговместимое жилище.

Ин. Ирмос тойже

**Почтим,** лóдие, Чистыя в чистоте икону Девы Богородицы/ и То́я Божественнаго Младенца, Христа Бога нашего,/ и лобыза́ем и прославля́ем со страхом и трепетом:/ почитаем бо икону благочѣстно,/ паче же почитаем Сáмую Тúю сущую Чистую Богоматерь.

**Давид,** Божественный и чúдный пророк, изда́леча провída, глаго́ла:/ лицú Твоему́ помóлятся богатии лóдие./ Мы же, вернии, поклоня́емся и лобыза́ем честнúю икону,/ душáми кúпно и телесы́ освяща́емы.

**Евангелия** Христова Богогласный списáтель Лука/ Божиим мановѣнием всенепорочный Твой написúет образ, Богородице,/ и Младенца Превечнаго на рука́х Твоих вообразív,/ к нему́же притекающия напастей и бед избавля́еши,/ и вся покрывáеши, и спаса́еши Твоею милостию.

**Т**ы еси похвалó и венéц святым всем, о Царице! / Ты упование наше и Помощница по Бозе, / и на Тя надежду спасения нашего возложíхом вси. / Тебе мóлимся, яко Божии Матери: / одождí грешным рабóм Твоим богáтыя Твоя душеспасíтельныя мíлости.

### Песнь 5

**Ирмос:** Ужасóшася всяческая / о Божественней славе Твоей, / Ты бо, Неискусобráчная Дево, / имела еси во утрóбе над всеми Бога / и родилá еси Безлётнаго Сына, / всем воспевающим Тя / мир подавáющая.

**Б**лагостýни бездно и щедрóтам еси, радуйся, Одигитрие Девице, / радуйся, всем радость творящи верным. / О, радуйся, сущим в бедáх, скорбáщим пребыстрая Заступнице.

**Р**адости от исполнения величия чудес Твоих зряще исполняемся вси, / не зрящии, слýшающе же, вернии. / Темже, радуйся, Тебе присно, / всюду и вси, Одигитрие, поём.

**Х**риста Бога нашего, о радуйся, Одигитрие, жилище / и дом неизречённей и пребожéственней, Дево, Славе Его. / О, радуйся, палáто преукрашённая, / радуйся, граде одушевлённый, присноцáрствующий.

**Р**адость неоскúдную Тя разсмотряюще, / яко мóре, Отроковице, Одигитрие Девице, / радующеся вси, радуйся, вопиём Ти / и, поюще, Божественных дарóв невидимо присно от Тебе ожидаем.

### Ин. Ирмос тойже

**В**сяко, Пречистая, существо воспéти недоумéет Тя, / пáче бо Горних умóв превозвысилася еси, / рождши неприступнаго и страшнаго Всецаря и Бога, / но, яко Мíлостива и скорая человеком Помощница, / вонми молéнию раб Твоих и даруй Твою помощь.

**И**дéже осeníт благодать Твоя, Богородице, страхом исчезают демони / и разрушáется злокóзненное тех мечтáние, бéгают дýси тёмнии, / радуется же верных все мнóжество, Тебе песнь хвáльну от сердца вопиюще: / радуйся, Божественный покрóве душ наших.

**Б**езочéсным сладкое зрénие даётся, глухíм

слышание, / немым благоглаголанье, хромым хождение, прокаженным очищение, / демонствуемым целомудрие и в болезнях сущим различных исцеление / осенением Пречистой Твоея, Богородице, иконы.

**Не** умолчим никогдаже, Богородице, псалмы и песнями воспевати величия Твоя, Обрадованная: / Бога бо воистинну воплотившагося родила еси, / во спасение наше всемирное и избавление.

### Песнь 6

**Ирмос:** Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождашагося Бога славим.

**Христа, Чистая, приемлющи, / глас, еже радуясь, Одигитрие Девице, слышала еси, / Егоже неизреченно рождши, и, радуйся, от всех слышиши всегда.**

**Радости вся исполнила еси, / Вышняя и нижняя Ты совокупила еси, Одигитрие, / темже радостно и согласно ныне Небо и вся земля зовёт Ти.**

**Вдовам, о радуйся, Всепетая, и всем сирым, Одигитрие, утешение, / радуйся, всем источающим богатство неистощимое.**

**Злата всякаго блистаема и утра солнечного светлейши, / жилище Христово, радуйся, Одигитрие, радуйся, Девице, / радуйся, Невесто Невестная.**

### Ин. Ирмос тойже

**Божественнаго Твоего Рождества, Дево Госпоже, пребогатая благодать, / юже древле изглашением предала еси пречистому Твоему образу, / неоскудне действовать великая же и преславная во спасение на Тя надеющимся.**

**Идеже прославляется святое имя Обрадованная Богородицы, / тамо всяческих благих источников проливаются; / приидите в чистоте, человецы, / се бо явление Божественная Девы иконы скажет Царицы пришествие во спасение всех верных.**

**Целения болезней, отгнание же страстей и душепитательное спасение, / грехов прощение и вечное избавление от пречистой Твоея иконы,**

Владычице, / верно приходяще, прие́млем, Богомати Всенепорочная.

**К** Тебе, Госпоже, прибегают рóди правоверных, про́сят великия мѣлости / и прие́млют неоску́дно сущии в недúзех исцеление, в страстѣх пременѣние, в печáлех утешѣние. / Источѣи мне, Владычице, кáплю душеспасительную, / да со всеми и аз пою́ Твое величие.

**Кондак, глас 8.**

**Подобен: Взбранной:**

**Притецѣм, людие, к тихому сему́ и доброму пристанищу, / скорой Помощнице, готóвому и тёп-лому спасению, покрóву Девы, / ускорѣм на молитву и потщѣмся на покая́ние: / источает бо нам неоску́дныя милости Пречистая Богородица, / предваряет на помощь и избавляет от великих бед и зол / благонравныя и Богобоящияся рабы Своя.**

**Икос:**

**Смысл очѣстивше и ум, притецѣм к Богородице, / свѣтло пѣсньми ублажающе Ю, / и пречѣистую икону Ея прославляем и чтим, / и, припадающе, покланя́емся яко Самóй сущей óной: / честь бо иконы на Первообра́зное восхóдит, / и почита́яй и покланя́яйся ей почитает са́мое Первообра́зное, / якоже Божественнии отцы реко́ша. И аще кто не чтит Пресвятыя Богородицы и не покланяется иконе Ея, ана́фема да будет: / посрамляет бо и погубляет не чту́щия Ю, / избавляет же от великих бед и зол благо-нравныя и Богобоящияся рабы Своя.**

**Песнь 7**

**Ирмос: Не послужи́ша твáри Богомудрии, / пáче Созда́вшего, / но, óгненное прещѣние мýжески попра́вше, / радовахуся, поюще: / препѣтый отцев Господь и Бог, / благословен еси.**

**Радуйся, радуйся, Богородице Одигитрие, / всех и всегда наставляющи верных шѣствоватьи ко всякому путѣ спасительному, / радуйся, Владычице, Тобою бо присно избавляемъся настоящия вáрварския беды́.**

**Радуйся, радуйся, Одигитрие, / бдящи и молящи́ся о нас к Богу, / и всякия злобы ходáтайством**

Твоим всяческих скорбей, / Богородительнице,  
всех людей избавляючи.

Радуйся, радуйся, Пресвятая Одигитрие, /  
прошения наша к пользе нам исполняючи / и  
хотящи всем присно всегда любодружное благое  
единство, спешное же во изыщных.

Радуйся, радуйся, кораблём, Одигитрие,  
нуждно плавающим, избавляючи верных / и всем  
избавление от всякия скорби и недуги / пестрот-  
ныя и медленныя разрешаючи вскоре.

Ин. Ирмос тойже

Приидите, почерпём отпущение от неистош-  
мага источника, / точащаго святыню Пречистыя  
Девы / и Той Пречистаго Младенца, Божия Сло-  
ва, нас ради вочеловечшагося. / К Нему  
возопийм: / Творче Избавителю, / препрославлен-  
ный со Отцем и Духом, Боже, благословен еси.

Неусыпную, Чистая, и Богоприятную имущи  
молитву, / и непреодолеемую державу крепости, /  
врагов наших дерзость, яже на ны, разорй / и  
вья их под нозе верному народу нашему  
низложй, / да возвеселимся о Тебе, рабй, Сыну  
Твоему вопиюще: / отец наших Боже, благосло-  
вен еси.

Радуется и веселимся, вернии людие, чудному  
явлению иконы Пречистыя Владычицы  
Богородицы: / река бо явися неисчерпаема, це-  
лебную воду точащи, / слепым бо видети даёт и  
глухим слышание, / хромым хождение и всем  
сущим в недугех безмездное исцеление.

Неиспытана глубина, неведомо таинство,  
непостижим образ, Дево, зачатия Твоего, / зача-  
тия без семене, без мужа рождество. / Безплот-  
ный воплотися, Превечный младенствует, / Сын  
Божий, Сын Тебе, Девы, бывает, Емуже вопиём: /  
Боже, благословен еси.

Песнь 8

Ирмос: Отроки благочестивыя в пещи / Рождество  
Богородичо спасло есть, / тогда убо образуемое, / ныне  
же действующее, / вселенную всю воздвизает пети Тебе: /  
Господа пойте дела / и превозносите Его во вся веки.

Радуйся, Всеблагословенная Марие, / из Тебе  
бо Всеблагословенный Бог одеяся во всего мя

человека / и, одéваясь, соедини́ Своему Божеству неизречéнным соединением, Дево Одигитрие; / радуйся, Обрадованная, радости всего мира.

**Радуйся**, лукавых духóв Прогонительнице; / радуйся, Богородице Одигитрие; / радуйся, Юже Небéсная невидимая вóинства славослóвят всегда и величáют яко Матерь Божию бывшую; / радуйся, Яже нижняя сочетáвши с Вышними.

**Радуйся**, всех Небесных сил без разсуждéния превосходящая; / радуйся, Одигитрие; / радуйся, всякия твáри яко Бога Рождшая госпóдствующи, ей, Владычице Всепетая; / радуйся, пребывáеши Дева Чистая и по рождествé.

**Радуйся**, женáм всем слáво, хрáме преосвященный Бога нашего; / радуйся, Одигитрие; / радуйся, душеспасительная всей вселенней; / радуйся, покрывающий óблаче, Небéс ширшая; / радуйся, мирополóжнице, Божественного мíра полна́.

#### Ин. Ирмос тойже

**Ум** Ангельский и человеческий ужасáется, Богородице, / како Бога Небеснаго, ложеснáми объёмши, воплотíла еси, / како, Младенца рóждши, яко Сына на руку́ нóсиши / Егоже ужасáется тварь и трепéщут Горнии Престоли, вопиюще непрестанно: / Свят, Свят, Свят еси, Боже, препéтый и превозносимый во веки.

**Радуйся**, сущая рáдосте всего мира, / со Архангелом Гавриилом вопиём Ти, Богородице; / радуйся, вместíлище Невместíмаго; / радуйся, Благодатная, носíло Божества всего; / радуйся, Адáмово воззвáние, с Тобою Господь, и Тебе ради с нами, спасая нас, / Егоже поем и превозносим во веки.

**Корень** Иессеев освященый, корень грехá нашего истóргнула еси; / жезл Ааронов процвётший, Жизнодателя цвета израстíвши Христа; / стáмно манноприёмная, смерти всю силу сокрушила еси / и в порóду жизни возвелá еси род человеческий: / темже Тя поем, добрых виновную.



**Т**ы похвалá христианом еси, Владычице,/ Ты оружие на враги и стенá к Тебе прибегающим./ Тя и ныне на помощь призываем, Госпоже,/ не даждь врагом вознест́ся на люди Твоя,/ иже Тебе не хва́лят, ни Сына Твоего, Богородице, и Твоей иконе не клáняются:/ сих побед́и и д́уши наша спаси.

### Песнь 9

**Ирмос:** Всяк земнорóдный/ да възгра́ется, Д́ухом просвещáем,/ да торжеств́ует же Безплóтных умóв естество́,/ почита́ющее священное торжество Богомáтере,/ и да вопиет: радуйся, Всеблаженная Богородице,/ Чистая Приснодево.

**Радуйся, свещé, Свет не вечерний понéсшая,/ и в Рождестве Твоем многобожия т́му разруши́вшая,/ и áдовы прóпасти избáвльшая люди;/ радуйся, Одигитрие Богородице, добрót всех Предходáтаице.**

**Радуйся, землé, из нея́же Клас прозя́бши Небесный верным,/ и мира всего душеѓубнаго гла́да избáви, разúмная и одушевлéнная;/ о радуйся, виногра́де, иже Грозд живóтный рóждшая,/ Богородице Чистая, Одигитрие.**

**Радуйся, тайных цветóв прекрасный с́ущий раб́;/ радуйся, Мати Дево, Нев́димых разум чистотóю страннóлéпно побéждши, Богороди́тельнице;/ радуйся, Отроковице;/ радуйся, Одигитрие, всем́рное ч́удо и слышание.**

**Лето животá нашего прóчее сохрани́ невреж-дéнно поможéнием Твоим, Дево Отроковице,/ и сподóби конéц блаѓий получи́ти нам, воспева́ющим Тя и взывáющим:/ радуйся, Всеблаженная Богородице, Чистая Одигитрие.**

### Ин. Ирмос тойже

**Тебе, твёрдую Помощницу рóду челове́ческому, Богородице Марие, лик пророческий много-образно провозвест́и,/ сень святóю, Небés прострáннейшую,/ скрижа́ль Богопи́санную и купину́ неопали́мую,/ дверь Богопрохóдную, гóру же и лéствицу, и мост, и жезл процвётший:/ мы же воистину Богородицу Тя величаем.**

**Тайна глубины́ Рождества Твоего ум Ангельский ужасáет, Дево,/ и преч́истая икона дéмоны**

прогони́т, / и лица нечестивых омрача́ет, и в студ порева́ет: / не терпят бо взира́ти на си́лу ея́, бе́гают же и исче́зают. / Мы же любезно покланя́емся и лобыза́ем, и Тя, Богородицу, величаем.

**Предста́тельница** су́щи неотсту́пна к Вышнему Царю, / яко иму́щи матерне дерзнове́ние непосты́дно, / в мире глубо́че православных жити́е утверди́ и отечество наше возвы́си, / и вся полезная да́руй всегда рабо́м Твоим, / да Тя, Богородице, величаем.

**О** Всеми́лостивая христиа́ном Помо́щнице, / не может Тя воспéти достойно ум человеческий и Ангельский, / яко всея́ тва́ри честне́йши, Небе́сных и земных сла́внейши: / всех бо родила́ еси Творца и Бога, / но, о Владычице, / приими́ ми́лостивно ю́же Тебе от сердца возложихом песнь, / спасай нас всегда, на Тя бо наде́емся.

Светилен:

**Да** почт́ится Всепетая Мати Божия, / Жизнь Су́щую ро́ждши, Христа Бога нашего, / райских дверей отверзéние и всего мира очищéние, к животу́ возведéние: / Сей есть проро́ком глаго́лавый, / Тому поклон́имся, Богу и Спасу душ наших.

Слава, и ныне, глас 6:

**Приидите**, вернии, с чистото́ю возвели́чим Пречистыя Матере Бога нашего чу́дную икону / и Божественнаго Младенца, Спаса Христа, / Его́же яко рожда́ющая на руку́ носивши / и ма́терне дерзновение к Нему́ иму́щи, / непреста́нно мо́лит за ны и подаёт рабо́м Своим богатыя милости.

На хвалитех стихиры на 4, глас 4:

**Просла́вим**, вернии, Обра́дованную Богородицу, / паче же во устéх наших има́мы всегда / святое и благословенное имя́ Ея́, / непреста́нно прибега́юще к пречи́стей Ея́ и цельбоно́сней иконе: / то́ю бо обрета́ем яже на земли́ вся благая и полезная / и су́щих на возду́се от демонов за́пинаний избавляемся, / яко Мати, рожда́ющая всех Творца́, / спасает от бед души́ наша.

Да рыдает вечно сонм злочестивых, / не исповедающих Тя в рождестве Чистую Богородительницу / и не поклоняющихся пречистой Твоей иконе. / Вернии же людие, радуящиеся, / исповедаем Тя истинную Деву Богородицу, / яко войстину родила еси плотию Христа Бога нашего, / тление Адамово попра́ла еси / и от греха весь мир очистила еси, / жизнь безконечную даровала еси, / райский вход верным отверзла еси / Божественным Твоим Рождеством; / Егоже моли спасти́ся нам, / пою́щим верно Твое та́инство.

Радуется убо и веселится / неизреченною радостью все мно́жество благочестивых: / припадающе же поклоняются, / вси благоговéют Божии Матери с боя́знию, / благодаря́ще Сию́ по Бóзе яко Бога, / толи́ких превели́ких благ Ходатаицу, / в ня́же желают Ангели прини́кнути, / дарова́ Богородицею верным Христос Бог наш, / имея́и премно́жество щедрот и великую пребогату́ю милость.

Слава, и ныне, глас 8:

Святая Твоя и сообразная икона, Богородице Дево, / благодатию Твоею пребога́тый сущий источник, / кипя́щий всей подсо́лнечней / и светя́щий все́му миру / светолу́чными Святаго Духа сия́ньми и исцелéний светлостьюми. / Ты бо Бога Слова плотию несказанно родила еси, / от Архангела Гавриила сицевая слы́шавши: / радуйся, Обрадованная, Господь с Тобою, / и Дух Святы́й осeníт Тя к зачатию. / Та́кожде рекла еси к первописа́нной Твоей иконе, на ту зря́щи: / с то́ю Моя благодать, / и слово Твое со вла́стию иконе бысть. / И о́браз, и глас, и сила, и дело, и всяк ум / превосходя́щая Божественная благодать, спребыва́ющи вечно, / зна́мения и чудеса́ непрестанно содева́ет / и душеполезное исцеление всем верно приходя́щим подаёт / Твоими Богоматерни́ми непреста́нными к Богу молитвами.

Славословие великое. И отпуст.

На Литургии служба Богородицы.

Аще прилучится в неделю — зри устав 23 июня.



В  
ТОЙЖЕ  
ДЕНЬ

**Святаго равноапостольнаго Авёркия,  
епископа Иерапóльскаго, чудотворца  
и святых семи отроко́в, иже во Ефесе**

На Господи, воззвах: стихиры святителю, глас 2.

Подобен: Егда от Древа:

**Б**ожественных учений блиста́ньми / разруши́л еси многобо́жную ночь, отче Авёркие, / утро же возсия́в, сыны дне совершил еси, / во мра́це сущия прежде, иерарше, / чудеса преславная показáв, / тем святую твою память верою празднуем вси, / песнослóвляще тя, Богодухновенне.

**В** сосуде еди́нем чудодействуя, / вино бо и елей, отче, и вид другíй совокупíл еси, / блюдо́ма внегда требовати несме́шена Божественною благодатию, / теплых же вод дарова́ние / молитвою истецí сотворил еси, / недúги исцеляя всяческа́я, / приходя́щих тебе верою / и блажа́щих тя, Авёркие.

**В**есь прилежа́ Богу, / Божественных испо́лнитель учений явился еси, Авёркие, / благодать же приём от высоты́, преподобне, / недúги отгна́л еси различны́я человеков, / трéбища идо́льская разорил еси, / знание насади́л еси Божественное, / невéдением ока́янно прежде бédствующим, блаженне.

Ины стихиры мучеников, глас 4.

Подобен: Яко до́бля:

**П**ребеззаконная велéния, / Богу покорше́ся, óтроцы блаженнии небрегóша / и, связа́ни бывше, разрешíша прéлести соúз, / и, сан мирский отвергше, прия́ша славу, / яже тех преславно соверши́вшу / и Горняго исходáтаившу Царствия наслажде́ние.

**К** по́двигом себе страдания, святии, / крепко обучи́вше, / скрýстеся в верте́пе, / моле́ньми непрестанными ко Господу моля́щеся / крепость по́дати и силу, / и́миже судьба́ми, Человеколюбец весть, / усну́ти в мире всем вам Богонача́льно повелева́ет.

**Богосóбранный полк, лик блаженный, / мученическое собрание неудобопоборимое, / Цérкви Божественной крáсное торжество, / нерастóрзное совокуплénие, вóинство непобедимое, / незыбленое благочестия основание, / приидите вси, воспоим усердно, благочестия свидетели.**

**Слава, глас 3. Иоáнна монаха:**

**Архиерее преподобне, всеблаженне отче, / чудотворче угодниче Христов, Авérкие, / пророческим житиём возсиявый / и апостольских сподобился еси дарóв, / Спасу служá со Ангелы непрестанно, / моли избавитися от всякаго прещénия душáм нашим.**

**И ныне, Богородичен или Крестобогородичен.**

**Подобен: Велия Креста:**

**Оружие сердце Твое прóйде, Пречистая, / егда Сына Твоего на Крестé видела еси и вопияла еси: / небезчáдну Мя покажи, / Сыне Мой и Боже Мой, / соблюды́й Мя по Рождествé Деву.**

**Тропарь святителю, глас 4:**

**Истины проповедник и чудотворец дивен показался еси, / сирот отец и нищих заступник, / бодрый пастырь словеснаго стада, бесом страшен, / всех убо от тех нападений заступай, вопиющих ти: / Аверкие отче наш, / моли Христа Бога, / да спасет души наша.**

**И святым отроком тропарь, глас 8:**

**Благочестия проповедники и воскресения умерших изобразители, / Цérкви столпы седмочисленные, / óтроки всеблаженные песньми восхвалим: / тии бо по многих лётех нетления, аки от сна воставше, / всем возвестиша яве мертвых востание.**

#### **НА УТРЕНИ**

**Канон Октоиха един и святителя канон на 4, егоже краегранесие: Аверкиеву воспою великую славу. Иосиф.**

**Глас 2**

**Песнь 1**

**Ирмос: Грядите, людие, пойм песнь Христу Богу, / раздельшему море и наставьшему люди, / яже изведе из рабóты египетския, / яко прославися.**

**З**арёю светлою Трисолнечнаго Божества озарён быв, Авёркие, / свет был еси, / сущия во тьме просвещая и все дёмонское разрушая омрачение.

**Ж**итиё на земли имел еси, преблаженне, Небесное, / с плотию, яко безплотен, жителствовав / и страсти умертвив, и священства дар приём.

**И**мея в тебе, отче, Слово вещающе, / безсловесия разрушил еси суемудренных, / дёмонския храмы и кумиры прелестныя низложив.

**Богородичен:**

**В**итийстии языцы глаголати недоумеют Твоего паче слова зачатия: / Бога бо родила еси плотию, Всечистая, / нам уподобльшася за благостыню.

**Ин канон мучеников. Глас 8.**

**Песнь 1**

**Ирмос:** Колесницегонителя фараоня погрузи, / чудотвори иногда / Моисейский жезл, крестообразно поразив / и разделив море, / Израиля же беглеца, пешеходца, спасе, / песнь Бóгови воспевающа.

**С**едмичным числом чествуеми, святии отроцы седьмь, / светлии звезды, на тверди Церковней сияюще, / иже свидетельством на Небесная всельшеся, / помяните верою чтущия вас.

**С**едмосветлым сиянием Духа, / воображающе златозарную свещу, мученицы седмочисленнии, / мрак умалили есте прелести / и светом благочестия вся ныне седмеросугубно просвещаете.

**Богородичен:**

**На** Тя, Дево, надежду полагаю спасения моего, / греховныя тины всего мя омий и чиста мя содейлай, / Сыну Твоему изящне благоугождающа и деюща Того всесвятую волю.

**Песнь 3**

**Ирмос:** Утверди нас в Тебе, Господи, / Древом умерщвей грех, / и страх Твой всади / в сердца нас, поющих Тя.

**И** словесы священными и показании чудес, Авёркие, / прелести море плавающая, / преславно ко пристанищу спасения наставил еси.

**Ц**ельбы содеяв, совершая изрядная, / демонов отгоняя мечтания, / спасения всем виновник, богатым предстатель ты был еси.

**С**лово священное, житиё Божественное, /  
 нрав, чудесы сияющъ, / жизнь твоя, отче, славна  
 и смерть честна бысть.

**Богородичен:**

**С**ый Бог, прежде невидимый, видим бысть,  
 Дево, / за благоутробию из чрева Твоего  
 воплощаемъ: / тем Тя верою убожаем.

**Ин**

**Ирмос:** Утверждёй в начале Небеса разумом / и зёмлю  
 на водах основавый, / на камени мя, Христе, заповедей  
 Твоих утверди, / яко несть свят, паче Тебе, Едине Челове-  
 колюбче.

**Я**вльшися на земли, седмосветлии, яко све-  
 тильницы добродетелей / и подвигов зарею, и  
 чудес блистаньи светло просветивше, / свет Бо-  
 гознания всему миру просиясте.

**О**т пелён матерних возложившися Творцу, /  
 Того ради небрегосте о славе и чести царской, и  
 богатстве мимотекущем, / от Негоже нетленных  
 честей славу получиште.

**Богородичен:**

**У**мерщвлённый мой ум, Жизни действием, явль-  
 шися из Тебе, миру воздвигни, / язвы и образы  
 потребльши греховныя, / Единая Богородительни-  
 це, Всенепорочная.

**Кондак отроков, глас 4.**

**Подобен: Вознесыйся:**

**П**рославивый на земли святая Твоя, / прежде  
 Второго и страшнаго пришествия Твоего,  
 Христе, / преславным востанием отроков показал  
 еси Воскресение неведящим е, / нетленна оде-  
 яния и телеса явив, / и царя уверил еси вопити: /  
 воистинну есть мертвых востание.

**Икос:**

**Ч**удное и высокое отроков воскресение видев,  
 иерарх Ефесский иногда / удивився разумом, пи-  
 шет со тщанием вернейшему царю тех востание: /  
 приити сподоби державе твоей, владыко, / zde да  
 видиши Бога твоего силу, юже показá тебе. /  
 Абие востав великий победоносец, шествие тво-  
 ряще радуясь, / вторый явився Илия колеснич-  
 ник, вопия: / воистинну есть мертвых востание.

## Седален святителю, глас 8.

Подобен: Премудрости:

**И**ерарх явился еси, ма́стию честною́ обложён,  
отче, Богодётельно / и вся совершая благодатию  
священнейше, / даров же Божественных и чудес  
свѣтлостию украша́емь, / Святым и Божествен-  
ным Духом, всехвальне, недуги исцеляя и дѣмоны  
попалѣя, / и множества прельщаемых обраща,  
Авѣркие. / Сего ра́ди вопи́ем ти: / моли Христа  
Бога грехов оставлѣние подати / чту́щим любо-  
вию святу́ю память твою́.

## Слава, отроко́м, глас 4.

Подобен: Скоро предвари́:

**Я**ко столпи́ сущѣ Церкви Христовы, / стѣны  
разорѣсте невѣрствія крѣпко, / седмобратни  
мученицы. / Тем прѣжде смерти эллинскую  
ярость / и паки по смерти еретическую бурю  
разруши́сте, / молящѣся о душа́х наших.

## И ныне, Богородичен:

**Ч**истая, Всенепорочная и Неискусомужная, /  
Яже Едина Безлѣтнаго Сына и Слова Божия в  
лето рождши: / Сего́ со святыми и честными  
патриархи, и мученики, и пророки, и преподоб-  
ными моли́ / даровати нам очищение и велию  
милость.

## Крестобогородичен:

**Д**ево Всенепорочная, Мати Христа Бога, / ору-  
жие прѣйде Твою́ пресвяту́ю душу, / егда́ распи-  
на́ема видела еси волею Сына и Бога Твоего. /  
Егоже, Благословенная, молящи не престай, про-  
щение прегрешений нам даровати.

## Песнь 4

**Ирмос:** Пою́ Тя, слухом бо, Господи, услышав и  
ужасо́хся, / до мене́ бо и́деши, мене́ ища́, заблуждшаго. /  
Тем многое Твое снизхождѣние, еже на мя, / прославляю,  
Многомилостиве.

**В**ельми́ престол, преподобне, украсил еси,  
святителю, / великими бо чудесы́ прелѣпотство-  
вал еси и жити́ем светлым. / Сего́ ра́ди Превели-  
кий Бог наш вельми́ тя прослави.

**М**илости Воли́теля Господа вѣдый, Богоносе, /  
тепле Его умоли́л еси / на исцеление и спасение



многих / тёплых вод всечүдное сотворити истечение.

**Плодовиты безчядныя сотворил еси Божию благодатию, / совершил еси помышления, / вложив бо тем, Авёркие, слова семя яве, / яко добрый сеятель, пожал еси класы сторичею, блаженне.**

**Богородичен:**

**Исцелила еси сокрушение, Всенепорочная, и древнее окаянство земнородных, / рождши Господа и Царя Христа, / понесшаго недуги наша за благоутробие неизглаголанное, Богоневесто.**

**Ин**

**Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отча / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.**

**Братским совокупляеми союзом и Божественным желанием распаляеми, / согласиём истинного, мученицы Господни, исповедания и веры / посрамите мучителей суемудренный разум и прелести многобожное учение.**

**За Христа и со Христом гоними, / в вертепех, горах же и пропастях земных скрываеми. / Того ради сном живоносным вместо смерти уснули есте на лета должайшая, / явственно утверждающе общее земных Воскресение.**

**Богородичен:**

**Да образ, засыпанный страстьми, обновishi богатством благостыни, в Девственную вселился еси утробу, / из неяже Мудрость храм Божий создал еси, / Еюже с человеки пожил еси, Щедрый, и спасл еси мира концы.**

**Песнь 5**

**Ирмос: Просвещение во тьме лежащих, / спасение отчаянных, Христе Спасе мой, / к Тебе утренюю, Царю мира, / просвети мя сиянием Твоим, / иного бо, разве Тебе, Бога не знаю.**

**Поставив твоя ноги на камени сердца, Богомудре, / падшия погибелию и чести камению подающая, блаженне, / Божественными словесы чествовати научил еси Камень, / Иисуса Христа и Бога нашего.**

**Врача́ различно недугующих, путевождá всех, прельщённых злосовѣтием, / мирополо́жницу честных дарова́ний, приятелище Божественнаго Духа, / священноучителя почтим Авѣркия.**

**Вино повелѣнием твоим в едином сосуде со елеем, виды же другия вложѣнные, / во время свое несмѣсно преславно изливаются, / преизобилюющую благодать твою являюще я́ве, священне.**

**Богородичен:**

**Зако́ни в Тебе пресла́вно, Дево, обновля́ются, / ражда́еши бо безсе́менно Бога Спаса / и пребыва́еши дѣвствующи па́ки, / страна́но чу́до. / Тем Тя, Матерь Емману́илеву, / благочестно возвѣщаем.**

**Ин**

**Ирмос: Вску́ю мя отрину́л еси / от лица Твоего, Свѣте незаходи́мый, / и покрыла мя есть чужда́я тьма, ока́яннаго, / но обрати́ мя и к свету заповедей Твоих / пути моя направи, молюся.**

**Умертвѣвшеся миру, вся житѣйская красная отринули естѣ, / Живот Держащему живот свой преда́вше, / живоносный сон, на до́лга лѣта влеку́ще, общаго воскресения образ.**

**Страдальцы житием явѣстеся, до́лгая гонения претерпѣвше, / в гла́де и жа́жди, в разных беда́х и ско́рбех, и злоиму́ществах за Христа терпя́ще, / и богатя́щеся сущо воспоко́ением.**

**Богородичен:**

**В Тебе, стенѣ, обогаща́емии и предста́тельством Твоим сохраня́емии, / Твоею Божественною славою хва́лящеся, Тя ублажаем: / Ты бо, Пресвятая, душáм нашим источа́еши веселие и радость.**

**Песнь 6**

**Ирмос: В бѣздне грехо́вней валя́яся, / неизследную милосердия Твоего призываю бѣздну: / от тли, Боже, мя возведи́.**

**От востока к западу пришел еси, / дѣмонския и лютыя страсти царицу, преподобне, отрешая / силою Духа.**

**Страна́ен мира явился еси, священнейше, / страна́ная и страшная совершая чудеса́, / и ходя́ в телеси́, и отсюду отшед, Аверкие.**

**Молниезра́чен, отче, видимь, дѣмонския победил еси полки́, / терпѣти не могу́щия твоего, Авѣркие, прещения, Богодухновенне.**

**Богородичен:**

**Тобою, Всесвятая Богоневесто, / умерщвлѣн-  
нии, жизни сподобихомся / и, тлѣнию работа-  
ющей, нетлением яве обогатѣхомся.**

**Ин**

**Ирмос: Очисти мя, Спасе, / многа бо беззакония моя / и  
из глубины зол возведи, молюся: / к Тебе бо возопѣх и  
услыши мя, / Боже спасения моего.**

**Любовию, яже к Богу, Ефесскаго отечества,  
мудрии, / род светлый, богатство же пресветлое и  
славу пречестную оставили есте, / наследие Не-  
бесное произбравше.**

**Седмочисленный страдальцев лик, Божествен-  
не совокупляемь, / низложи врагов множество  
многочисленное / и славу приѣша исповѣдания, и  
венцы страдания.**

**Богородичен:**

**Воссия от Сиона Вышняго благолепие / при-  
ятием плоти, по соединению неизреченному, / из  
Тебе, Неискусобрачная, одеян, и мир просвети.**

**Кондак, глас 8:**

**Подобен: Яко начатки:**

**Яко священника превеликаго и апостолов  
совсельника, / Церковь почитает тя, вся верных,  
Аверкие: / юже твоими молитвами соблюдай,  
блаженне, / непобедиму и необуреваему от вся-  
кия ереси, и нескверну, / яко приснопамятный.**

**Икос:**

**Мира всего суеу помышляя, мира  
учуженный / и, страсти Христовы подражая,  
плотския страсти умертвил еси / и, крест твой  
взем, последовал еси, блаженне, Творцу твоему, /  
и, пребывая с Ним, ныне молися за чтущия тя  
истинно, / яко приснопамятный.**

**Песнь 7**

**Ирмос: Образу златому, на поле Деире служиму, / триѣ  
Твои отроцы небрегоша безбожнаго веления; / посреде  
же огня ввержени, орошаеми, пояху: / благословен еси,  
Боже отец наших.**

**Яко Божественный пастырь, яко чудес  
самотворец, / слепым еже зрети молитвою, отче,  
подад еси, и слышати глухим, / очищение же  
прокаженным, и благотечение хромым,**

воспевающим:/ благословен еси, Боже отец наших.

**Проповѣдает** твое чудодеяние, мѹдре, во век тёплых вод искипѣние/ и столп, у гроба твоего лежащий,/ егоже от Рима, великаго града, принесё лукавый дух, изгнанный тобою, отче Авѣркие.

**Людѣм** смиреннѣм вождь был еси,/ высѣк в видѣннѣх, и дѣйствиѣх же, и силах явѣвся, священнейше,/ и Высочайшаго Царя угодник, Емуже взываем:/ благословен еси, Боже отец наших.

**Богородичен:**

**Родѣся** из Тебе, Егоже родѣ Отец прѣжде деннѣцы,/ во двоѹ существѹ и хотѣнѣю, яко Бог же и Человек, Отроковице, знаемь всем, верою зовущим:/ Благословенная, Бога плотию рождающая.

**Ин**

**Ирмос:** Божия снизхождѣния/ огонь устыдѣся в Вавилонѣ иногда,/ сего ради ѳтроцы в пещѹ радованною ногѣю,/ яко во цвѣтнице, ликующе, пояху:/ благословен еси, Боже отец наших.

**Богу** покарѣющеся, Божественным законом наказуѣми ѳтроцы,/ разумом правым пребеззаконная повелѣния мучителей злых укорѣли естѣ,/ смертью жизнь приобрѣтше и нетление, мѣртвым обогачшеся телом.

**Смертную** чашу за Творца пѣти желѣюще верно безсмертия ради и нетления,/ погребение претерпѣсте телѣс,/ изьяснѣюще востѣние преславным востѣнием вашим, мученицы.

**Богородичен:**

**Яко** утро возсияла еси, правды Солнце имѹщи,/ от тьмы мѣра невѣдения изымѣющаго Боговѣдением,/ Емуже поем, Пречистая:/ благословен еси, Боже отец наших.

**Песнь 8**

**Ирмос:** В пещь ѳгненную ко отроком еврейским снисхѣдшаго/ и пламень в росу прелѣжшаго Бога,/ пойте дела, яко Господа,/ и превозносите во вся веки.

**Преславный** пѣстырь, неистошчѣмый истѣчник исцелений,/ Цѣркве столп, верных утверждѣние,/

великий светильник, многосвѣтлый священно-учитель да почтѣтся Авѣркий.

**Ты, якоже фѣникс, псаломски процвѣл еси во двѣрех Бога Живаго; / умножился еси, яко кедр и яко маслина, мудре, показался еси, / мастию дел твоих всех умащяя лица верою.**

**Горы верху действительным жительством явственне, якоже град познался еси стоящъ, / и погружшійся древле прелестию град твой, преподобне, / Града Вышняго являеши наследника.**

**Богородичен:**

**Се одр Соломонов, егоже обстоят сильнии, / Богодухновеннаго Писания ныне прорицанія, / на немже Христос Бог воплощением Божественным почил есть, / Благословенная и Обрадованная.**

**Ин**

**Ирмос: Седмерицею пещь / халдейский мучитель / Божеством неистовно разжже, / силою же лучшею спасены, сий видев, / Творцу и Избавителю вопияше: / отроцы, благословите, / священницы, воспойте, / людие, превознесите во вся веки.**

**Седмерицею облистá память ваша днесъ, / солнечных луч образно просвещяючи, мудрии, подсолнечную / страдальческими светлостями, чудодѣйственными же блистаньями и Божественных догматов зарями, / имиже уверяете всем востание телес и мертвых нетление.**

**Авимелехово прежде на селѣ сохранение положи Бог, / яко не видети града иногда заустенія. / Вас же соблюде леты множайшими в вертепе спящия / на уверение всех воскресения, отроцы, / веков седмочисленных равночислении светильницы.**

**Богородичен:**

**Освятившися Духом, Богородице Всенепорочная, / истинно прияла еси во чреве Безначальнаго Сына и Присносущнаго, / в Тебе, Чистая, воплощеннаго на благодѣяние верою вопиющих: / отроцы, благословите, священницы, воспойте, / людие, превозносите во вся веки.**

## Песнь 9

**Ирмос:** От Бога Бога Слова, / неизреченною мудростию пришедшаго обновити Адама, / ядию в тлѣние падшаго лѣте, / от Святыя Девы неизреченно воплотившагося нас ради, / вернии единомудренно пѣсньми величаем.

**Я**ко светозарно твое житиѣ, яко красны нѣги, / яко зело чудно еже к Богу мааніе\* же вкупе и ближность, / яко величайшая благодать, свѣше данная тебе, мудре. / Сего ради верою почитаем тя, Авѣркие.

**Т**я, сожительника всех святых мученик и ревнителя Божественных ученик, / патриархов равночестна, пророков и преподобных, / и Небесных слуг собеседника верою славим, Авѣркие.

**Пр**есвятая твоя память, простирающися в мире, / просвещает человек души светом, богатым в благодати, / юже совершающе любовь, / страстей нас и тьмы напастныя / молитвами твоими избави, молимся, Авѣркие.

**Богородичен:**

**С**вѣтла Тя свѣтильника пророк провиде, / свещу Божественную истинно в Себе носящую, Всесвятая Дево, / Единого Пресущнаго Бога, / за благоутробие милости из Тебе вочеловечшася.

**Ин**

**Ирмос:** Ужасѣся о сем Небо / и земли удившася концы, / яко Бог явися человеком плѣтски / и чрево Твое бысть пространнейшее Небес: / тем Тя, Богородицу, / Ангелов и человек чиновачалия величают.

**У**дившися о сем всяк земнородный, почудшися же и всяк ум, / яко мертвии, по многовременнем погребѣнии, в вертепе лежаще, аки в вечер уснувшие и утре обычно востающе, явшася, / уверяюще мертвых общее востание.

**С**едмочисленнии мучеников свѣтлии свѣтильницы, / ефѣсская свѣтила присносвѣтлая, / мира всего молитвенницы и предстатели теплии, / общаго воскресения проповѣдницы и хранителие верных, / испросите тишину нам, и спасение, и мир всем концем.

\* мааніе — знак, сделанный без речей.

**Богородичен:**

**Я**ко Мати Пострадавшаго о нас, душетленных мя страстѣй избáви;/ яко Милосѣрдая, разреши прегрешений úзы;/ яко Благая, ублажи ныне озлбленную мою дúшу дѣмонскими прилоги, Дево Богородице,/ да пою Тя, Всепетую.

**Светилен.**

**Подобен: Жены, услышите:**

**П**отещи тя понуди блазнодѣлатель демон к Риму граду,/ вшедый в цареву дочь лукавно, из неяже изгнал пса,/ обремененна послал еси и столп носяща во Иераполь, Аверкие Богогласе.

**Слава, мучеников:**

**О**ружием Честнаго Твоего Креста ограждшеся, страсотерпцы Твои, Слове,/ противныя силы крепко победиша и мучителей посрамиша,/ и о Тебе пострадаша,/ и Тебе, Христе мой, Всецарю, сцáрствуют кúпно.

**И ныне, Богородичен:**

**О** таин Твоих! О чудес Твоих!/ Какое по рождестве Дева пребыла еси, яко прежде рождества,/ како Бога вместила еси, нигдеже вместиаго,/ но войстинну несказанна суть Твоя вся,/ Благословенная Марие.

**На Литургии: Блаженны Октоиха на 4 и святаго песнь 3-я на 4. Прокимен, глас 1: Уста моя возглаголют премудрость и поучение сердца моего разум. Стих: Услышите сия, вси языцы: Апостол к Евреям, зачало 318. Аллилуия, глас 2: Уста праведнаго поучатся премудрости. Стих: Закон Бога его в сердце его, и не запнуты стопы его. Евангелие от Иоанна, зачало 36. Причастен: В память вечную:**

**В  
ТОЙЖЕ  
ДЕНЬ**



## **Преподобных Феодора и Павла Ростовских**

**Тропарь, глас 8:**

**З**вездам заря послушания жизнь лучших показа,/ яко два светила сияюще нам,/ Феодор и Павел Богомудрии, Ростовская похвало,/ житием чистым Богу присвоишася.

### Молитва

**О** преподобнии отцы, пастырие и учителяе наши, блаженнии авво Феодоре и авво Павле! В лета древняя путём заповедей Господних шествовати избóливше, притеклї есте в место пустынное, идеже благословением и молитвами началовождя своего, преподобнаго и Богоноснаго Сергия, чудотворца Радонежскаго, преславную обитель святых страсотерпцев Бориса и Глеба возградили есте, во устроение благочестия иноческаго жительствова, и противу невидимых врагов спасения нашего тамо подвизастесе, и тако угодницы бысте Богови, верою, надеждою и любовию благолепне украшающесе, постом же и бдением и молитвами Богу благоугождающе, и во всяком благочестии ко временному житию и вечному спасению образи нам явльшесе. И ныне убо, преподобнии отцы наши, не забудьте посещати чада своя, во еже отразити от нас навёты вражия: наставите же и утвердите нас в пóдви-зех добрых, к жизни вечней души наша руководствующе. Молитесе милости Подателю и Господу всяческих, да спасет нас, имиже вестъ судьбами, и наследники сотворит с вами вечнаго наслаждения, да непрестанно славим Всесвятое Имя Отца, и Сына, и Святаго Духа в безконечныя веки веков. Аминь.

